

JUD

Warage o Ayeet Jud

1 ¹ Aneeta Jud o keen gōtōni Jemis, ma keen gabaren o Yesu Kiristo. Kayeedekun warage nico igeet o otowawun Jooi. Igeeta neen o areezun Jooi ween baatina, ma abekun Yesu Kiristo. ² Abon bai bonati o Joowo aavi ŋaatunoon igeet dook tup, ma azaaci ganōni unoon been rēezōnet kizi appe zinzeetine ugooc.

³ Laŋotigan o kareezun, iiten baale kabaaban ɔɔt karoon keteyeedeyun zōz ci akati tuwen onai kazōl naaga dook. Bar zin inoko kabaaban abon kayeedekun igeet zōz ci kilotun, ka ooritnōn ooryoi tuwen ween didi baal anyek Jooi ɔl ogin lak codoi ɔr nōkō e. ⁴ Eeci anyak ɔl oogi calaŋ aga Jook, ma iniktozeyun niigi igeet eecitō. ɔl nicigi uulal zōz o akati bonat o Jook onai, ma abor niigi Yesu Kiristo ween alaan ma een Manyi onai adoi ɔr nōkō. Agōon niigi nōkō o arōn ka kutuguzō kaal ci akati golok ugeecik waanō. Bar zin payiin cineen eteyeede waragewe o Joowo baale laadun.

⁵ Mayo nuun agayu niiga gi baal ɛlane Jooi ɔl o Israyil looce o kazi Masir e, karoon kaadayun bodo igeet gi nice. Yo nuun waanice ɛla Jooi nōgō Masire e, bodo vurma iiya atarganyan niini ɔl baal alaŋ azooni zōz onin ŋaatineen e. ⁶ Buk aada zōz o akati toonnyak o Joowo baal adōn eleeti, ma alaŋ anyek zinzeeti ugeec keleento been alaazet uneen baal anyek Jooi nōgō e. Otonit waanice niigi tammu taden ŋinbaal abaai e. Inoko zin acabje niigi ziiyi cabiin ci abil kodot. Ma arek Jooi nōgō ŋinti muur tōdō loota ka kacabte niigi ŋinaante nōkō zee been iiten ci katin payiinto e. ⁷ Aada buk ɔl o kuturyok o kazi Sodom ki Gomora been ɔl o kuturyok o aŋōzō ki nōgō. Baale niigi abor zōz o Joowo kiyo toonnyawa oke e, ma agōon waanzet golowe ci meelik ger. Ootozē ni waanice niigi gooya lai ka ɔl dook kegenyit calaŋ agōon kaal ci ger.

⁸ Mazin buk ɔl ci ademzek ɔl vōlōn noko anyak niigi wunozak ci uulal eleeti ugeec maany. Ma apez dōyiz o Joowo, ma adōm toonnyak o tammu tadenu. ⁹ Mayo nuun een Maikōl ween alaan o toonnyak o tammu tadenu, ŋaan niini kōdōm Loryen iitene baal adaŋon ki nōnō zooze o akati ele o Mosis e. Bar olla waanice anek niini nōnō ne, ”Ŋaan acinin ineet Jooi doon.” ¹⁰ Mazin ɔl nicigi amomoz niigi kaal calaŋ aga. Aga niigi kaal oogi zinzeetine doon kiyo kelege o too akōm baabani o. Ma agōon niigi tup nōkō kaal o arōn niigi ootine ugeec doon. Bar zin tiŋeere uulal kaala nicigi nōgō. ¹¹ Izi nōŋa wole zin ŋaatineen, eeci oneec niigi gōl o Ken ween ŋeerti Adam baal amony gōtōni e. Ma agōon niigi kaal ci ger kiyo baale ɛeti o kazi Balaam e, ka olla kojoktai niigi guruc. Ma buk atobō niigi ki eet o kazi Kora baal abor Jook e. Uulali zin buk tiŋeere niigi kiyo baale niini e. ¹² Ma ɔl nicigi gōon agōon niigi kaal ceen alyaan ɔɔt ŋaati azolonu niiga been nōgō lotenta. Avunakun gōon niigi igeet o, eeci arōn dayiin been baayinet. Arican niigi eleeti ugeec doon, ma anyek eleeti kizi ɔl cugoooc. Atobō zin niigi ki diizwa o gōon alonlōn, ma ivaan ŋōoti calaŋ atiiil o. Ma atobō buk niigi ki keen o gōon akōm kebere, yo nuun een lōla, alaŋ abiir o. Ma ɔl nici atobō niigi ki keen o gōon adaacai agerōi, ma araabajai dook lai o. ¹³ Ma kaala ci gerze agōon niigi noko atobō ki kavucac o maamu gōon apalpalanak ŋōoti dōwōn liila o. Ma buk ɛel niigi kiyo monyonya o gōon olla awō, ma alaŋ ɛel ŋaatodoi o. Bar zin ɔrōnŋak Jooi nōgō ŋinti muur gilinyik ka kujukek nōgō kaavtiye nōkō izi neen. ¹⁴⁻¹⁵ Baale ɛeti o kazi Inok ween dole o dōl o Adam aduwa zōz ci akati nōgō azi ne, ”Icinit di, aku tiŋeere Manyi ŋaati ɔrkōran been toonnyak ogin meelik een eet keet, ka kiiya kapayek ɔl o oŋenu dook gerzitin kaale ugeec ger agōon dook kibeem zozowe ugeec ger amomozi niigi Jook.”

¹⁶ Ma ɔl nicigi arōk cocobōn tup nōkō. Ma ano niigi kaal o ger arōn nōgō zinzeeti ugeec. Ma abōlōli eleeti ugeec maany, ma alaba ɔl utugetine ci amadi ka kojokta kaal o arōn niigi ŋaatineen.

¹⁷ Laŋotigan o kareezun, aada di gi baal aduwakun toonnyawa o Manyi ona Yesu Kiristo e. ¹⁸ Anekun baale niigi ne, ”Katin iinyaye ci aŋoneke e avu ɔl ci ararni zōz o Joowo, eeci arōn kutuguzō niigi kaal o ger arōn nōgō zinzeeti ugeec.” ¹⁹ Ma ɔl nicigi ɔl o anyaa ŋerōn neen, eeci areez niigi kaal o loocu ger, ma akōm nōgō Vōniz o Joowo zinzeetine ugeec.

²⁰ Bar zin niiga laŋotigane o kareezun, abon amenanu azaacu tuwen unoon kōdōk. Aŋaruyō buk dōyize o Vōniz o Joowo. ²¹ Mayo nuun akunakun piryakzēt, abon agayu ŋaan areezun igeet Jooi nōkō. Ereyō zinzeetine ci alal zee ma akō anyun Yesu bonate onin roget o abil been neen. ²² Abon zin awucnekun igeet ɔl o aŋer zōz zooze o Joowo, ma abon buk atiritu niiga nōgō. ²³ ɛelta buk ɔl o ano demziinok o voloŋo gooye o Loryento. Abadai niiga nōgō gooya kivitak gōl o abon. Itiritit buk ɔl o agōon kaal o ger ka kagaac niigi gi ween didi. Bar zin abon agenyu niiga alyā ka ci alaŋ agoonu oŋe kiyo niigi o, olla anycek kuwuceyun niigi igeet.

²⁴ Jook neen o anyun igeet uzuuti tuwen unoon giye o anyun niini igeet obonta ŋume onin, ma atalninu niiga tiŋeere iitene ci avoyu titinyonte onin e. ²⁵ Adoi Jooi laadun ɔr nōkō, ma aruguzet niini ageet ŋaaten Manyi onai Yesu Kiristo. Abon bai katitiny naaga nōnō o anyak diŋdiŋon dook, ki baliin dook, ki dōyiz dook, been alaazet dook kinatamma laadun e, been inoko o, been buk irkitowe ci ŋaan avu e dook nōkō zee been neen. Nōnō neen.